

## Hojii iimaana Diigu-Kutaa 1

### Description

Hanga ammaatti dubbii iimaana faallessuu fi diigu ilaalaat turreera. Amma immoo hojii iimaana diigu ilaalla. Akkuma seensa keessatti jenne iimaanni dubbii fi hojii of keessatti qabata. Kufriinis akkuma kana dubbii fi hojii of keessatti qabata. Akkuma iimaanni dhugoomsu qofa osoo hin taâ€™in, dubbii fi hojii qalbii, dubbii arrabaa fi hojii qaamolee of keessatti qabatu, kufriinis kijibsiisu qofa osoo hin taâ€™in, dubbii fi hojii qalbii, dubbii arrabaa fi hojii qaamolee of keessatti qabata. Akkuma keeyyattoonni Qurâ€™aanaa fi Sunnah agarsiisan. Fakkeenyaf jecha Rabbii oltaâ€™aa:

وَيَقُولُونَ إِنَّا مُعَاذَنَ بِاللَّهِ وَبِالرَّسُولِ وَأَطْعَنَاهُمْ تَوْلَى فِرِيقٌ مِّنْهُمْ مِّنْ  
بَعْدِ ذَلِكَ وَمَا أُولَئِكَ بِالْمُؤْمِنِينَ



â€œ[Munaafiqoонни] â€œRabbiitti fi Ergamaatti amanne, ajajamnees.â€œJedhu. Ergasii, san booda isaan keessaa gareen wayii ni garagalu. Isaan suni muâ€™mintootaa miti (warra amananii miti.)â€œ Suuratu An-Nuur 24:47

Sababa isaan garagalaniif fi Isaaf ajajamuu didaniif kufrii isaan irratti murteesse, iimaana isaan irraa dhabamsiise. Ammas ni jedha:

﴿فَلَا صَدَقَ وَلَا صَلَّى ﴿٣١﴾ وَلَكِنْ كَذَبَ وَتَوَلَّ﴾

â€œ(31)-Hin dhugoomsine, hin salaanne. (32)-Garuu kijibsiissee garagale.â€œSuuratu Al-Qiyaamah 75:31-32

Aayaanni tunniin garagaluun kijibsiisu akka hin taane ibsu. Dhugumatti, kijibsiisuun faallaa dhugoomsuti. Garagaluun immoo faallaa ajajamuu fi itti buluuti. Kufriin qalbiin wanta amananiin, dubbii arrabaatin, hojii zaahiraa kan akka sanamaaf sujuudu, Qurâ€™aana balfatti darbuu fi kkf nin taâ€™uu dandaâ€™a. Hojiwwan kunniin wantoota iimaana diigan iidha. Sababni isaas, karaa qaamoleetin wanta mulâ€™atun kan argamaniidha. Kana waliinu hojiwwan kunniin wanta qalbii keessa jiru kan akka masakamu, jaallachu, ol guddisuu fi kkf kan diigan iidha. Hojiwwan iimaana diigan haala salphaan hubachuuf mee asi gadiitti qoqoodun haa ilaallu:

### Tawhiida keessatti Hojiwwan iimaana diigan

## **Qorannoo 1ffaa: Ibaadaa keessatti shirkii**

1-Hiika tawhiida ibaadaati fi barbaachisummaa isaa gabbaabinnaan ilaalle jirra. Akkasumas, tawhiida ibaadaa keessatti daangaan shirkii dubbatamee jira. Shirkiiin guddaan namni tokko gosoota ibaadaa irraa wanta tokko Rabbiin ala kan biraatiif gochuudha jechuun hiikne jirra.

Qorannoon kuni mata dureen isaa ibaadaa hojii keessatti shirkii ilaalchise taâ€™a. Kan akka Rabbiin ala wanta biraatiif qalma qaluu, silati seenuâ€' fi ksf. Baniinsa qorannoo kanaa keessatti ibaadawan kanniin keessatti tawhiida gosoota ibaada hunda Rabbii tokkichaaf gochuun dirqama taâ€™uu of keessatti qabate galmaan gahuuf Rabbii tokkicha shariika hin qabne tokkichoomsun dirqama akka taâ€™e gabaabbinnaan ni dubbanna. Akkuma Rabbiin oltaâ€™aan jedhe:

وَإِلَهُكُمْ إِلَهٌ وَحْدَهُ لَا إِلَهَ إِلَّا هُوَ الرَّحْمَنُ الرَّحِيمُ

۱۶۳

â€œGabbaramaan keessan Gabbaramaa tokkicha. Haqaan gabbaramaan Isa malee hin jiru. [Inni Ar-Rahmaan Ar-Rahiim.]â€ Suuratu Al-Baqarah 2:163

Ammas, Rabbiin subhaanahu wa taâ€™aalaaakkana jedha:

﴿وَلَقَدْ بَعَثْنَا فِي كُلِّ أُمَّةٍ رَّسُولًا أَنِ اعْبُدُوا اللَّهَ وَاجْتَنِبُوا الظُّفُوتَ﴾

â€œDhugumatti,â€™ Rabbiin gabbaraa, xaaghuuta irraa fagaadhaâ€™ [jechuun] ummata hunda keessatti ergamaa erginee jirra.â€ Suuratu An-Nahl 16:36

## **Wareegni (Qalmi) Gosoota Ibaadaa Keessaa tokko**

(A)-Qalmi gara Rabbiitti ittiin qajeelu fi dhiyaachuun yoo ni niyyatame (yaaddame), inni (qalmii) ibaadaa irraayyi. Nusk jedhamuun waamama. Sababni isaas, nusk ibaadaa fi wanta ittin dhiyataniidha. Rabbiin subhaanahu wa taâ€™aalaaakkana jechuun dirqama godhe:

﴿قُلْ إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ﴾  
﴿لَا شَرِيكَ لَهُ وَبِذَلِكَ أُمِرْتُ وَأَنَا أَوَّلُ الْمُسْلِمِينَ﴾

â€œJedhi, â€œDhugumatti, salaanni kiyya, qalmi kiyya, jireenyi tiyyaa fi duuti tiyya Rabbi Gooftaa aalamaa hundaatifii. Shariikni Isaaf hin jiru. Isuma kanatti ajajame, ani jalqaba Muslimootaati.â€ Suuratu Al-Anâ€™aam 6:162-163

Asitti nusk qalma.

Ibn Kasiir ibsa aayah tanaa ilaachisee ni jedha: â€œMushrikoota Rabbiin ala wanta biraat gabbaran, maqaa Isaatiin ala wanta biraatiif qalma qalan, kana keessatti faallaa isaanii taâ€™uu akka qaban ajaja. Dhugumatti, salaanni isaa Rabbiifi, qalmis maqaa Isaa qofa irratti. Kuni akka jecha Rabbii oltaâ€™aa:

## فَصَلِّ لِرَبِّكَ وَأْنْهَرْ

â€œ**Gooftaa keetif sagadi, qaliis.**â€ Suuratu Al-Kawsar 108:2

Kana jechuun salaataa fi qalma kee Isaaf qulqulleessi. Dhugumatti, mushrikoonni sanamoota gabbaraa turan, sanamootaaf qalu. Kanaafu, Rabbiin oltaâ€™aan akka isaan faallessuu fi wanta isaan keessa jiran irraa goruu, dhugaan, niyyaani fi ijjannoon gara Rabbii oltaâ€™aaf hojii qulqulleessutti akka qajeelu ajaje.â€ (Tafsiiru Ibn Kasiir 2/189)

Wanta Muhammad Rashiid Ridaa jedhe keessaa: â€œ**ibaadan aadaa irraa kan ittiin addaan baafamu, Isatti dhiyaachuuf, Isa ol guddisuuf, mindaa fi jaalala Isaa barbaaduf gara Gabbaramaa qajeeluuni.** Wanti kamiyyuu namni salaataan ykn qalmaan ittiin qajeelu fi isa ol-guddisuu niyyate, wanti suni gabbaramaa isaati. Namni kana hojjatu dubbi kana agarsiisu dubbate dhiisee waluma qixa. Ibaadaan Rabbii Gooftaa gabrootaa fi Uumaa isaanii taâ€™eeef malee hin taâ€™uâ€ Amanti haqaa keessatti salaata fi qalmii Rabbii tokkichaaf qulqulluu taâ€™uun dhimma zaahiraa dirqamoota amanti irraa lakkaawamuudha.â€ (Tafsiiru Manaari-8/241-243=Gabaabbinnaan)

Rabbiin subhaanahu wa taâ€™aalaa ni jedha:

## فَصَلِّ لِرَبِّكَ وَأْنْهَرْ

â€œ**Gooftaa keetif sagadi, qaliis.**â€ Suuratu Al-Kawsar 108:2

Aayah tanaa ilaachise ibn Taymiyan ni jedha: â€œRabbiin ibaadaa gurguddoo lamaan kana walitti akka fidu ajaje. Isaanis salaataa fi qalma. Kunniin lamaan Rabbiitti dhiyaachu, gadi of qabu, Isatti hajamuu, zanni tolchu, humna yaqiinaa, gara Rabbiitti, ajajaa fi waadaa Isaatti qalbiin tasgabbaâ€™u agarsiisu. Faallaa kanaa, Warri of tuulanii fi durummaa salaata isaanii keessatti gara Gooftaa isaanitti haajaa hin qabne, [salaata hin salaatan]. Kanneen biroo immoo hiyyummaa sodaachun, hiyyeyyi gargaaru fi nyaachisuu dhiisun, waaâ€™ee Gooftaa isaanii ilaachise yaada badaa yaadun Isaaf jedhanii qalma hin qalan. Kanaafi, jecha Isaa keessatti isaan lamaan (salaata fi qalma) bakka tokkotti walitti fide:

## قُلْ إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ

â€œ**Jedhi, Dhugumatti salaanni kiyya, qalmi kiyya, jireenyi tiyyaa fi duuti tiyya Rabbii Gooftaa aalamaa hundaatifii.**â€ Suuratu Al-Anâ€™aam 6:162

---

Nusk jechuun Fuula Isaa barbaadun qalma qalamuudha. Ibaadaa qabeenya keessaa isa guddaa taâ€™eedha. Qalma isaa keessatti iimaanaa fi ikhlaasa yoo qabaate wantoonni ajaaâ€™ibaa kунин gabrichaaf ni argamu: Rabbiin filachuu, waaâ€™ee Isaa ilaalchissee yaada gaarii qabaachu, yaqiinni cimuu fi wanta harka Rabbii jiru amanuu. Nabiyyiin sallallahu aleyh wassallam ajaja Gooftaa isaa itti bulee jira. kanaafu, Gooftaa isaatiif salaata kan baayâ€™isuu fi qalma baayâ€™ee kan qalu ture. Hanga hajjatil wadaaâ€™i harka isaatiin gaala 63 qalutti. Yeroo ayyaanotaa fi yeroo bira keessatti ni qalaa ture.â€• (Majmuuâ€™al Fataawaa 16/531-532=gabaabbinnan)

Haala kanaan Rabbii tokkichaaf jedhanii qalma qaluun ibaadaa gurguddoo keessaa ibaada tokko akka taâ€™e ni mirkanaaâ€™a.

**â€œIbaadan hojji aadaa irraa kan ittiin addaan baafamu: Gabbaramaatti dhiyaachuuuf, Isa ol-guddisuuf, mindaa fi jaalala Isaa barbaaduf gara Isaatti qajeeluni.**

â€œ

*Muhammad Rashiid Rida*

[Tweet](#)

**Madda:**

**â€œNawaqidul Iimaani al-qawliyah wal amalayahâ€•** fuula 262-265 Abdulaziz bin Muhammad

**Date Created**

September 5, 2020

**Author**

admin